

365 dana  
sa vama



Sve će biti uredu.

**triglav**

[www.triglav.ba](http://www.triglav.ba)

## Putničko zdravstveno osiguranje

Putničko zdravstveno osiguranje je namijenjeno svima onima koji putuju u inostranstvo i žele pri tome da budu bez briga.

Čak i pri brižljivo planiranim putovanjima ili kratkim izletima u inostranstvo mogu se desiti nepredviđene neprijatnosti, nezgode ili bolest. Troškovi povezani sa neophodnim liječničkim tretmanom mogu biti vrlo visoki. Zato, pri planiranju izleta i putovanja u inostranstvo blagovremeno obezbijedite sebi putničko zdravstveno osiguranje sa asistencijom za putovanja u inostranstvo. To Vam obezbjeđuje neophodnu finansijsku sigurnost pri pokrivanju troškova neophodnog liječenja, te troškova prevoza zbog bolesti.

Putničko zdravstveno osiguranje predstavlja sveobuhvatnu zaštitu u slučaju bolesti ili nesreće. Uz finansijsku sigurnost u okviru ugovorene osiguravajuće sume za pokriće troškova u slučaju hitnog liječenja i transportnih troškova usljed bolesti ili nesretnog slučaja, naš partner EUROP ASSISTENCE vam pruža 24-satnu pomoć ili asistenciju.

### Naša ponuda

Pri ugovaranju osiguranja možete se odlučiti za osnovni ili nadstandardni program. Razlikuju se po visini osiguravajućeg pokrivanja i visini premije osiguranja, kao što možete vidjeti u tabeli.

Varijanta	A	B	C	D
Maksimalna osigurana suma po osobi u EUR	7.650,00 EUR (14.962,10 KM)	15.000 EUR (29.300,00 KM)	30.000 EUR (58.674,90 KM)	5.000 EUR (9.779,15 KM)
Geografsko područje pokriva	Sve zemlje osim SAD, Kanade, Australije i Japana	Sve zemlje osim SAD, Kanade, Australije i Japana	Sve zemlje osim SAD, Kanade, Australije i Japana	SAD, Kanada, Australija i Japan

Kod individualnih osiguranja period pokriva ne može biti kraći od 5 dana osim tranzita. Ovim osiguranjem mogu biti obuhvaćene osobe starosti do 75 godina.

Pored toga, u putničkom zdravstvenom osiguranju sa asistencijom nudimo tri oblika osiguranja:

- Individualno osiguranje,
- Porodično/obiteljsko osiguranje i
- Grupna osiguranja (grupu čini 10 ili više osiguranika).

#### POPUSTI

- za grupu od 10 do 20 osoba popust: 10%
- za grupu od 21 do 50 osoba popust: 15%
- za grupu od 51 i više osoba popust: 20%
- za ekscurzije 31%

## Putničko zdravstveno osiguranje za poslovna putovanja u inostranstvo

Važno je misliti na nepredviđene okolnosti koje se mogu dogoditi. Nesreća i bolest ne biraju prostor, zato je potrebno razmišljati o odgovarajućem osiguranju. Putničko zdravstveno osiguranje za poslovna putovanja u inostranstvo je namijenjeno onim preduzećima i poduzetnicima koji žele osigurati svoje uposlene prilikom putovanja u inostranstvo.

Putničko zdravstveno osiguranje za poslovna putovanja u inostranstvo možete ugovoriti na period od 6 ili 12 mjeseci. Ugovarač osiguranja (pravna osoba) se pri ugovaranju osiguranja obavezuje da će za osiguranje plaćati premiju a osiguravač da će pokrivati troškove liječenja za svakog pojedinog osiguranika u slučaju nepredviđenih bolesti ili posljedica nezgode do kojih je došlo tokom putovanja ili boravka u inostranstvu. Osiguranik je osiguran



za neograničeni broj putovanja, pri čemu svako pojedinačno poslovno putovanje u inostranstvo ne smije trajati duže od 20 dana.

## Turističko osiguranje

Putovanja i ljetovanja najčešće su povezana s nezaboravnim trenucima, a kasnije i ugodnim uspomnama. Ali svako putovanje ili ljetovanje može nam pokvariti cijeli niz nepredvidljivih događaja: od toga da nam se na putu pokvari auto, dogodi saobraćana nesreća, na aerodromu nam izgube prtljag ili ga čak neko ukrade, do toga da se ozlijedimo na plaži, planini, rekreaciji ili se razbolimo i završimo u bolnici, što prouzrokuje visoke troškove liječenja.

Ko putuje, zna da se takve i slične stvari događaju i ugodno putovanje pretvaraju u noćnu moru. Određene neugodnosti ne možemo promijeniti, ali se zato od njihovih negativnih posljedica možemo efikasno zaštititi, bolje reći osigurati. S policom turističkog osiguranja u džepu, Vaše će putovanje biti i sigurnije i sa manje briga.

### ***Koga možete osigurati?***

Ponekad putujete sami, ponekad s porodicom/ obitelji ili prijateljima. S jednom policom osiguranja možete osigurati sebe i svoje uže članove porodice/ obitelji – supružnika i djecu.

### ***Koje opasnosti pokriva turističko osiguranje?***

Turističko osiguranje Triglav Osiguranja pokriva više grupa opasnosti, koje nazivamo opasnost A, opasnost B, opasnost C, opasnost D, opasnost E i opasnost F. U nastavku možete pročitati šta obuhvata pojedina opasnost.

### ***Od čega zavisi visina premije osiguranja?***

Visina premije zavisi od broja osiguranih opasnosti, mjesta osiguranja (Evropa ili svijet), načina osiguranja (pojedinačno ili porodično/obiteljsko), te vremenskog perioda na koji zaključujete osiguranje, odnosno dužine putovanja. Odabirom većeg broja osiguranih opasnosti, možete ostvariti veće popuste.

## Premije osiguranja za nekoliko mogućih kombinacija

Za sklapanje turističkog osiguranja potrebno je izabrati bar dvije od opasnosti navedenih na sljedećoj stranici. Izuzetak je jedino opasnost F (osiguranje otkaza turističkog putovanja), koju možete osigurati u kombinaciji sa osiguranjem od nezgode (opasnost B), te još jednim rizikom po izboru.

Za bolje razumijevanje prikazujemo tabelu s nekoliko mogućih kombinacija i premijom osiguranja koja već sadrži popuste koje priznajemo s obzirom na broj osiguranih opasnosti. Svoju kombinaciju možete, svakako, odabrati prema svojim vlastitim željama i potrebama.

Osigurane opasnosti	Područje osiguranja	Način osiguranja	Vrijeme trajanja osiguranja				
			do 8 dana	do 16 dana	do 20 dana	do 32 dana	1 godina
A+B+C+D	Evropa	Pojedinačno	41,00	62,00	72,00	82,00	141,00
		Porodično/obiteljsko	70,00	105,00	122,00	140,00	222,00
	Svijet	Pojedinačno	99,00	148,00	173,00	187,00	338,00
		Porodično/obiteljsko	168,00	252,00	294,00	336,00	532,00
B+C+D+E	Evropa	Pojedinačno	66,00	99,00	115,00	131,00	206,00
		Porodično/obiteljsko	86,00	130,00	152,00	173,00	296,00
	Svijet	Pojedinačno	86,00	130,00	152,00	173,00	296,00
		Porodično/obiteljsko	158,00	237,00	276,00	315,00	494,00
A+B+C	Evropa	Pojedinačno	32,00	48,00	56,00	64,00	109,00
		Porodično/obiteljsko	47,00	70,00	81,00	93,00	148,00
	Svijet	Pojedinačno	77,00	115,00	134,00	153,00	262,00
		Porodično/obiteljsko	111,00	167,00	195,00	223,00	356,00
A+B+D	Evropa	Pojedinačno	15,00	22,00	26,00	30,00	51,00
		Porodično/obiteljsko	26,00	38,00	45,00	51,00	83,00
	Svijet	Pojedinačno	61,00	92,00	108,00	123,00	199,00
		Porodično/obiteljsko	46,00	69,00	81,00	93,00	146,00
B+C+D	Evropa	Pojedinačno	29,00	43,00	51,00	58,00	99,00
		Porodično/obiteljsko	46,00	69,00	81,00	93,00	146,00
	Svijet	Pojedinačno	69,00	104,00	121,00	139,00	238,00
		Porodično/obiteljsko	111,00	167,00	195,00	223,00	349,00
B+D+E	Evropa	Pojedinačno	18,00	27,00	31,00	35,00	61,00
		Porodično/obiteljsko	43,00	64,00	74,00	85,00	134,00
	Svijet	Pojedinačno	42,00	64,00	75,00	85,00	146,00
		Porodično/obiteljsko	102,00	154,00	179,00	205,00	320,00

Cijene su izražene u KM





### **Opasnost A**

**Pokriveni su troškovi spašavanja i prevoza vozila, prtljage i putnika ako ste sudionik u saobraćajnoj nezgodi ili Vam se auto pokvarilo.**

Kad od kuće krenemo osobnim automobilom, mnogi od nas nevoljno pomisle: «Šta ako mi se auto na putu pokvari? Šta uraditi u slučaju saobraćajne nesreće?» A odgovor je tako jednostavan. Samo se treba osigurati. Jer, osiguravač će Vam nadoknaditi troškove spašavanja i vuče, odnosno prevoza vozila do najbližeg odgovarajućeg servisa u visini do 5.000,00 KM i troškove 257.00 KM za korištenje zamjenskog vozila za vrijeme dok Vaše vozilo nije popravljeno. Ako po mišljenju servisa vozilo nije u mogućnosti osposobiti za vožnju, osiguravač će Vam nadoknaditi troškove prevoza

vozila do stalnog prebivališta u visini do 1.000,00 KM. Isto tako su pokriveni i troškovi prevoza putnika i prtljaga do mjesta putovanja ili stalnog prebivališta do 500,00 KM.

### **Opasnost B**

**Pokriveni su troškovi nužnog liječenja i troškovi prevoza umrlog osiguranika, a osigurani ste i od posljedica nezgode u slučaju smrti i trajnog invaliditeta.**

Na odmoru ili putovanju susrećemo se s raznim opasnostima koje nas neprestano ugrožavaju. Triglav Osiguranje će Vam nadoknaditi troškove nužnog liječenja ako obolite ili se u nezgodi ozlijedite, te pokriti troškove prevoza umrlog osiguranika u mjesto prebivališta u iznosu do 5.000,00 KM. Isplatićemo osiguranu sumu u visini

10.000,00 KM za eventualni trajni invaliditet kao posljedicu nezgode, te osiguranu sumu u visini 5.000,00 KM u slučaju smrti usljed nezgode.

### **Opasnost C**

**Pokrivena je šteta zbog krađe, provalne krađe, razbojništva ili oštećenja prtljage i ličnih stvari.**

Već sama pomisao na krađu ili razbojništvo nije ugodna, a sve to postaje još beznadnije ako nam se to dogodi na odmoru ili putovanju, kad smo na takve neugodnosti još osjetljiviji. Ipak, ako smo osigurani, i takve situacije podnosimo lakše, jer će osiguravač u slučaju krađe prtljaga i ličnih stvari nadoknaditi štetu do iznosa od 500,00 KM odnosno 1.000,00 KM kod porodičnog/obiteljskog osiguranja, a u slučaju da stvari budu oštećene, nadoknaditi štetu do iznosa 1.500,00 KM, a kod porodičnog/obiteljskog osiguranja do 3.000,00 KM.

### **Opasnost D**

**Pokrivena je Vaša odgovornost, znači troškovi koje nehotice prouzrokuje trećim osobama.**

Može Vam se dogoditi da će nehotice drugi od Vas zahtijevati nadoknadu štete koju ste prouzrokovali,

a koja za posljedicu ima ozljede osoba ili oštećenje stvari. Ako niste baš srušili Ajfelov toranj ili potopili Kraljevsku mornaricu, možete biti mirni. Eventualne odštetne zahtjeve trećih osoba jednostavno ćete prepustiti osiguravaču, koji će umjesto Vas podmiriti štetu u visini do 10.000,00 KM

### **Opasnosti E**

**Pokriveni su troškovi prekida putovanja, odnosno kasnijeg povratka s istog.**

Zbog bolesti, nezgode ili drugih osnovanih razloga može Vam se dogoditi da morate prekinuti ili produžiti putovanje, čime će nastati dodatni troškovi.

U slučaju prekida putovanja, osiguravač će Vam nadoknaditi troškove za neiskorišteni dio putovanja, ako to već nije učinila turistička ili hotelska organizacija, te platiti prevoz kući. U slučaju kada zbog bolesti ili ozljede morate produžiti putovanje ili ljetovanje, nadoknadićemo Vam troškove za dodatnih pet dana. Ako ste ih proveli u bolnici, pokrivamo i troškove jedne osobe koja Vas je posjetila, a nadoknadimo joj i nastale troškove prevoza. Osiguravač pokriva stvarne troškove, najviše do ukupnog iznosa od 5.000,00 KM.





## Opasnost F

### **Pokriveni su troškovi otkaza turističkog putovanja.**

Osiguranje pokriva troškove otkaza turističkog putovanja koje kupac turističke usluge mora nadoknaditi organizatoru zbog otkaza, odnosno neučestvovanja u putovanju. Osiguravač pokriva troškove otkaza turističkog putovanja u slučaju nezgode, smrti ili pogoršanog zdravstvenog stanja osiguranika ili uže rodbine, službenih poziva i elementarnih nepogoda koje osiguraniku onemogućavaju putovanje. Troškovi su pokriveni i u slučaju kad zbog navedenih razloga putovanje otkazu osiguranikovi saputnici navedeni u istoj polici.

Na putovanju, godišnjem odmoru ili ljetovanju sigurnost i bezbrižnost su preduvjeti za ugodan odmor. Osjećate li se u tim prilikama stvarno tako?

Želimo da Vaš odgovor bude «da». Nažalost, i na godišnjem odmoru neprestano su prisutne razne nezgode koje Vam mogu, ako se od njih ne osigurate, prekrasan odmor pretvoriti u noćnu moru.

Promišljenim potezom možete to djelotvorno promijeniti. Dozvolite da pouzdan osiguravač bude saputnik na svakom Vašem putovanju. Eventualne nezgode nećemo moći spriječiti, ali ih svakako možemo umanjiti, te spriječiti njihove posljedice na Vašu budućnost.

Organizacijske jedinice:

**Sjedište Društva - Centrala**

Dolina 8, 71000 Sarajevo  
Tel: 033 25 21 10, fax: 033 25 21 77  
info@triglav.ba  
sarajevo@triglav.ba

**Podružnica Bihać**

Hasana Kjačije Pruščaka bb, 77000 Bihać  
Tel: 037 22 36 12, fax: 037 22 36 13  
bihac@triglav.ba

**Podružnica Tuzla**

Đorđa Mihajlovića br. 4, 75000 Tuzla  
Tel: 035 30 15 00, fax: 035 30 15 01  
tuzla@triglav.ba

**Podružnica Mostar**

Kralja Tvrtka 12, 88000 Mostar  
Tel: 036 33 47 00, fax: 036 33 47 06  
mostar@triglav.ba

**Podružnica Zenica**

Zmaja od Bosne br. 27, 72000 Zenica  
Tel: 032 44 82 50, fax: 032 44 82 67  
zenica@triglav.ba

**Podružnica Travnik**

Lukačka bb, 72270 Travnik  
Tel: 030 54 70 60, fax: 030 54 70 70  
travnik@triglav.ba

**Podružnica Goražde**

Sinan Paše Sijerčića bb, 73000 Goražde  
Tel: 038 22 12 38, fax: 038 22 12 38  
gorazde@triglav.ba

**Sjedište Društva - Centrala**

Dolina 8, 71000 Sarajevo  
Tel: 033 25 21 10, fax: 033 25 21 77